

陶

山

詩

錄

陶山詩錄卷八

善化 唐仲寬 六枳

胸海二集

回任四首兼寄呂萊園觀察

昌際

彤庭謁後拜真除
大府頻催敢息居
新錫簪纓懸百琲
重來旌旆擁單車
白頭自笑遼東豕
鰓尾還憐海大魚
求牧求芻知不易
滄浪未得羨溪漁

洪門飛雨挾潮回
城向山屏百堞開
渡口日斜窺石室
樹頭風定認雲臺
但餘故壘平章築
那有新花學士栽
多謝青衿與黃髮
道旁齊揖使君來

去年小試趙張風俗尚敦龐已漸同秋入留星愁渴鮒
春生甕露息蜚鴻初營學舍烝髦士頻禮雩壇應上公
見說昆蟲今不害孫洙自昔奏民功謂孫尹
圃刺史
文吏休驚駕鐵船每從周度佩韋弦鐳絲在篋常懷友
拔薤當門顧事賢青嶂丹崖容我造曲臺淹癖有人傳
循行恰遇秋郊雨蟋蟀聲中種麥天

貍奴

屋僻久而隙羣鼠穴為溷我來新置榻冀除積塵空縱
橫几案間牽引日相恩白晝不畏人非擊未肯遜齧齧
夜尤劇擾眠幾委頓呼童聘銜蟬長不及五寸頗疑乳

未充或為鼠所困豈知氣全吞不假力能健戶內竟寂
然往往聞呿噴食肉寢其皮狼如報讎恨黠者猶潛藏
窮搜無滋蔓嘉爾騷除功勞以魚羹飯

郊行小雨

西風能作冷細雨不成泥五夜侵雙履

是日五更步禱

終朝欠

一犁麥苗須破塊菜甲待疏畦倘得隨車澍何愁滯馬
蹄

宿城早發用寺壁程臨臯韻

曉光山色影交加盡是巖居谷汲家深澗護田多旅穀
寒雲養洞有團茶秋潮已落沙隄濶野燒初開石徑斜

海上居民自淳古那知鶴蓋與烏紗

重九登高公島望海

登高須登海上山望遠須望海邊天山不在高高臨海
海不必遠天無邊雲臺之北高公島海水平低天亦小
島內沙田日日增海中之水年年少灘行真自海中來
襟袖微霜拂清曉秋生杖外煙霧開潮湧腳底風霆繞
我窺溟滓欲乘潮龍宮貝闕呼潛蛟不摘驪龍領下珠
不探鮫女室中綃但願修鱗巨鬣騰波濤倒翻海水流
隤臯爾如僵卧不肯起借我神馬傾天瓢

九月十七日喜雨二首

徧祈羣望不辭勞考月占星定幾遭頻見滃雲橫半嶺
纔來快雨走平臯夜深寒慢聽檐雷曉起攜鉏驗土膏
最怕涼颼吹欲斷庭前老樹靜無濤

畢竟吁雩久至誠浹旬方許課深耕倘仍不雨嗟何及
卻喜吾亭尚未成合耦底須催保介醵幽準備賽神明
昨朝恰會乘槎客應有為霖應候生

先一日試士取入
新建石室書院

郊外

郊外平蕪入莽蒼郊行小隊趁斜陽秋殘落木迎風急
雨後流泉出澗長雲雁字如今篆隸飯牛歌自中宮商
海濱儘有閑田地倘可耕耘便富穰

新作乘槎亭疊東坡和陳海州乘槎亭韻二首

未能乘去到天涯敢忘湘江舊釣槎
樹為結廬吾亦愛亭逢喜雨衆無嗟
頗疑斤鑿來脩月不倩鍼盤為撥沙
玉局何須羨安石年來兩鬢已霜華

秋水年年溢渚涯忽愁澗外卧枯槎
未興鄭國開渠利卻憶黔婁授食嗟
靈雨應祈飛絕嶠來牟乘暖茁平沙
漁舟雅有桃源興合補黃泥記物華

眷屬至署仍疊前韻二首

宦海隨流傍海涯真成淺水穢行槎
但宜芸案供佔畢那有萍齋辦咄嗟
妻子無家仍入舍親朋小聚又搏沙

陳蓬倘許風能忤便向蓬山采石華

蟹舍漁莊天一涯雁聲聽逐楚江槎幸無入室人交謫

那免登岡弟曰嗟

聞兄弟南來而七姪近喪

少壯竟難消紫綬衰癯

何處覓丹沙耿蘭報到先淒絕無限摧傷為棣華

龍溝視鹽河西汎有感

淮北運鹽自板浦南引中河通北渚西受駱馬兩六塘
東以莞瀆作門戶分流入海設六壩啟閉視水為吞吐
就中武障立月隄排黃更藉湖水禦每歲漕艘盡渡河
始開插版濟蹉賈其時鹽事初經營往往溽暑逢大雨
西岸田疇低易漫商儲民洩相爭拒龍溝舊立誌椿碑

五尺為期達臺部邇來河底多淤泥纔通重運溢邨墅
今年都轉不及時又遭秋曠成斥鹵洪流北徙出故道
中河欲竭停檝櫓幸將升斗乞監河分濶通波商鼓舞
豈知泄注便奔騰民田已在河之滸農吐哺訴公庭
種麥在田菜在圃一旦膏腴變沮洳速開武障猶可補
武障東橫高丈餘一洩無餘運道阻農商皆為

國利賴權其輕重農為主戴星衝霧到龍溝登隄一望
迷浦溆父老來言水勢衰項冲義澤疏深隰倘使來源
漸渟涵姑留武障尚無苦嗟余忝為民司牧坐視倉箱
沈澤藪

叶

明春縱可播來牟先時愧未籌桑土前年濬

河有成謀事賊於需終是蠱渠成利農兼利商急課民
莫陳大府

燕書院諸生用昌黎燕河南府秀才韻

海邦百餘年遭逢泰階平胡為升孝秀未聞擢奇英近
年登賢書二士纔貢京讀書貫窮達豈必誇科名

朝廷額宅俊闢門延儒生他途無寒士學術當致精春
明懸藻鏡公車來轟轟一朝騰茂實千載傳休聲此邦
曠臨海空望波濤驚意者若鐘鼓未撞無由鳴迂疎忝
師尹湮鬱見人情急謀造學館踴躍如先爭觀風試招
徠如蟻聞薌烹卣角挾方冊眇昏窺短檠文瀾既浩淼

雅意湏澄清上舍虛几席衙齋獎專誠于子相拜揖濟
濟皆幹楨設具食四簋舉酒觴三行列宿映霞蔚

時入坐者

二十新月開宵晴瓊林兆芳宴稽古推桓榮

日本刀歌用歐陽文忠韻

日本文字與華通七經孟子皆研窮刀背銘刻亦奇古
製作未辨關西東匣中三尺方且直純青淡碧百鍊銅

大言一舉成功業豈惟剛卯驅灾凶江長州兮何處島

寶高所造猶完好

刀兩背各八字右曰一舉成功天
下太平左曰本國江長州寶高造

幅布題白龜年不審其時孰少老日南鱧魚出有神大

夏龍雀工亦巧此刀凝冰一片寒似有龍鬚雜荇藻太

平戈兵戰不焚吳鉤越劍今何存
島夷露陌非金錯為
有小篆摹陽文愛護唯恐字漫滅
不敢磨淬當雲津藏
鋒歛鍔三公服鑄成盪冠徒云云

慈雲片影石

陶山母氏北卅年始樹表未為守冢人
欲作移山老山
遠不可移雲深不可掃
趺足感秋霜迴頭戀春草
片石方且嚴隆宸含竊窳得之菩薩巖
攜來仙人島山形具
體微雲氣随心造
鴟夷隔縣邈馬鬣見環抱
豈惟具袍笏直令懷襁褓
供養琴書閒對影憶幽討
疎窓入晴暉時有白雲繞

七十二洞小石

大鈞搏物皆玲瓏七十二洞空復空偶然縮作一拳石
亦令竅穴紛翦通我經葬毋得虛擲頗疑峻嶺攢幽宮
今年尋躡列仙洞巖扃窟室何能窮欲寫一圖識竒幻
媿無妙筆追鴻蒙山頭石類巨桃核天成滑膩無磨礱
眇其孔如指與筋滿山洞壑藏其中袖歸怡伴慈雲影
雲氣如縷蒸冥濛須臾吹萬入衆竅調調橐籥宣八風

石室書院和許生

桂林

仍用東坡和蔡景繁海州

石室韻

東海后孟傳經處禮門初啟無岐路匡鼎說詩解人頤

一掃別風與淮雨蕭公太傅于丞相漢時人物真有數
類以經術為名臣俎豆千秋仰祠宇賢哉教授有二疏
至今樓在還題墓蘭陵郊承辦紛紜景行皆宜奠清醕
宋世詩豪石曼卿奇情自是芙蓉主胸山化作度索山
舒錦錯繡映巖戶蘇公游接蔡公游求仙莫羨童男女
我來觀海先觀瀾秦東門外色飛舞前輩風流不可期
後來秀傑誰能伍地道敏樹樹須栽春雨養花花正吐
重開石室橫準比敢謝雷門持布鼓抗顏都講方鏗鏗
挾策從遊盡楚楚不聞冰車鐵馬聲但與博帶褒衣語
興學當追曲臺戴投詩輒遇平輿許名章俊向知襟期

琪樹瓊林重風土願同河伯向海若直以耳孫求鼻祖
花老室荒匪自今經明行脩定如古笑余何術兼官師
朱墨丹鉛度朝暮

送孫淵如觀察之山東

還山每速出山遲敦迫頻聞檄傳馳養志重親原愛日
軫懷舊部要匡時會乘徒駭河邊筏猶問之采海上碑
見說旌麾行已過何期握手慰相思

漢南郡太守銅虎符歌

文帝二年秋九月初與郡守銅虎符一至第五各分半
左與為信右留都國家發兵遣使者至郡驗合通八區

景帝中二年七月更召太守秩不殊是年臨江王國廢
地為南郡當新除南郡重開江陵治銀章青綬朱轡車
至今留遺得判虎銅質金絲嵌篆書背文雖剖猶可識
背上半文曰與南郡太守虎符腰題左二無模糊
晉上四字曰南郡左二此符大
不及三寸胡為完好千載餘嗚呼臨江賢且長膠東奪
嫡生巧誣江陵北門車軸折父老流涕祖路隅徵來中
尉遂引決萬燕銜土哀無辜坐令雄才襲富庶窮兵黷
武成空虛綉衣直指紛紛出二千石下皆前驅興擊收
捕盜不止子弄父兵仍被誅推求往事足炯戒何論珍
重麟駟震

立春微雪

日望臘月雪忽驚臘將盡急走禱方望三日空憂憫
陽似初夏解裘易挾紵人言暖而寒乃為雪之朕但迫
六九頭未得徵瑞菌今晨鞭土牛果覺朔風緊移時凍
雨飄間有輕霰賈眺珠霰先集碎玉夜方引雖遲慳已
破未厚懷彌軫燒燭宴賓朋圍爐話壇畛豈知人所期
天公無定準同雲拔地銷殘月出山隕杲杲射宮虹漉
漉化樓蜃竟無積分寸安望成廩困臘固不可迴春亦
殊太忍遺蝗或萌生宿麥恐枯窘無歲何有民其謫在

師尹

次秦竹渚郎中

敬衡

寄懷韻

人生苦宦遊忽忽老將至每懷總角交況在風簷次會
面一何難省身良自媿十年重一別尺書無遠寄翻荷
郵長篇善歌和難繼憶昔童子科君才實寡二同時十
數人誰某豈能記盧植坐橫經面帖八九事未補弟子
員焉有師生誼余時竊慕君議論輒閱肆賦成秋水篇
文訂淮雨字君如玉樹森立可青雲致余為席帽遊少
有扁舟思出處不相聞蹤跡乃各異所居雖同里相隔
如畫地卅載春明門邸舍重交臂題我欸乃圖維誦常
數四君登秩宗曹我困風塵吏局步轅下駒翹首天閑

驥報最慙非才見訪服高義五十始再逢能無重意氣
君名已書屏大藩合分治經猷得敷施練習匪嘗試以
茲更事多定知為政易笑我勞簿書終日理情偽詎無
持竿約空有挈瓶智試思玉麟符何如竹如意他時當
結鄰此詩聊諷譬

去年今年四首

去年有蟹無監州今年無蟹有監州

海州舊隸淮徐道
獄獄直達臬司今

改隸淮揚道
當由道轉達

我性畏寒兼畏蟹那敢強項向督郵至竟

監州不妨有稻蟹不遺種可憂

去年冬寒多大雪今年冬暖多大風寒易凍餒暖易活

但恐無雪無年豐小民何知知目睫熙熙負暄當牆東
去年力請振偏灾今年力請緩積欠振灾僅得七分施
緩欠尚有三年歛九年耕無一年食年雖小熟恐不贍
去年除夕還家室今年除夕前一日今年略比去年早
去年稍較今年逸何如邨翁坐圍爐雪虐風饕總不出

紀夢

夜夢山行看山石突兀玲瓏千萬尺迴巖轉壑窺空巖
像設森嚴錯金碧中有神氣備四時蒙供曳杖面深赤
方疑雕琢自六朝五百應真環帝釋掃雲忽讀巖間碑
杏壇緇帷寫真跡肅然樞衣欲負牆茗姓糝糊見題額

且喜且媿行踟躕仰視崇臺列簡冊睥眄未上思奮飛
恍惚之間親几席偶拈一卷廣且長大字照眼光奕奕
方當佔畢披高文已有生徒拜逢掖醒時身在淮陰船
遲留三日東風逆念我拋書餘十年舊夢何來旅行夕
瑯環福地倘有緣便湏料理山中屐

讀周春田哭鮑三南江湘詩次韻

四十年來日月馳逢君便是別君時新詩足抵唐生哭
舊識深懷鮑子知樺燭已殘人老大玉樓初召事離奇

南江吾仝應奇童試識面之後不相聞
讀春田詩乃知其死於凶歲零丁異常春明曾遇垂髫

隊

謂秦竹
語禮部

吹笛聲中問向期

自省回州石湫道中

茆屋沙田傍石湫
曉風料峭野雲收
海壘潮湧聞犇馬
天末山橫見卧牛
民隱暗籌車轍上
春光纔到柳梢頭
相逢父老殷勤問
麥隴青青得雨不

郊行

野馬荒郊外肩輿古渡間
風聲低著水雲氣遠浮山平
楚春猶淺芳阡雨太愜道旁逢老叟
翻為我開顏

望山

天光浸山腳山如浮水上
還疑山是雲與水爭盪漾行
行漸近山天空不可狀見山不見水
唯有春雲盪

題畫扇寄子敬姪 釗

兄弟三人今老矣爾父讀書專望爾爾今得補弟子員
三家俱有讀書子秀才未便誇科名讀書志業自此始
爾以文藝寄我評我初讀之輒稱美屬文作字皆斐然
從此精進進無止爾弟能作吉祥畫蓮為連科鵲為喜
人鏡芙蓉古所云我欲勉旃求其理虛中始可標清漣
苦心方得出泥滓不向葉間逐魚戲定超蓬累驚鵲起
爾父屬我題其筭何以將之二十里讀書第一莫憂貧
吾家累世清如水

觸目

春來無日不川塗觸目驚心媿結符寒食清明人上冢
石田茅屋吏催租一身豈僅衰年病萬姓都如刺史臞
等是東風偏閣雨坐令南畝麥苗枯

雲臺禱雨疊去年韻

三年三度上雲臺三見雲陰合復開不為名山尋探數
都緣靈雨禱祈來霧籠青壁霏如霰潮起蒼梧駭若雷
夜夢摳衣趨絳闕神官仍許作霖回

延福觀

石樓重疊倚巖東紫氣侵尋上帝宮老樹雜花橫桂壁
天生十幅綉屏風

鷹遊門

南城復北城使海于有蔽東島復西島裨海環其外中
有鷹遊門洋線畫疆界前明政不綱姦宄通夷裔寇攘
莫能防漁樵無所避

國初遷其民裁之為棄地承平波不揚遺黎每垂涕
恩詔許復還田園重樹藝經今百餘年武尅不忘備斥
堠既增修營伍常守衛巡邏兼會哨巨艦修且製歲費
水衡錢不足責文吏那知船置灘徒為風日散豈有意
外虞所惜在循例我因閔雨來窮島察凋瘵浮海人所
難聊以鼓士氣人言官涉險總為民圖利返躬一循省

向若屢驚悸山田春亢陽二麥不吐穗海洲魚鮪淪網
戶空擊汰幸當極盛時尚未遂生計是誰之過歟責人
則已易失伍母乃多敢問執戟隊

北極閣

真武為元冥職水位居北春陽曠且乾雲霓望孔棘
匍匐向元宮卜玳喜動色雲行雨施字分明見副墨是時
開朝曦晴空淨如拭有渰尚不濡既霽安可測暄和當
禺中燠朗到日昃忽然東風緊登樓見天黑四山暮無
雲濃陰已側塞湏臾紛浙灑布獲溢溝洫入夜更喧飈
霑足誰之力登山涉遠海上下求難得告我何赫然敢

弗懷翼翼

棗香亭刈麥

亭旁有隙地廣可二十畝秋雨一犁深來年二耜耦涉
閱冬阻春占厯宸與阜凶驗西北鄉宸徵東南藪春膏
乃常屯雪澤本不厚白雨祈始來黃雲遲又久時聞棗
花香築場初試帚奄觀鏹在腰相隨把入手亦有遺秉
穗何妨拾孺婦耕夫前致詞計畝僅數簍若逢大有年
苗秀高及肘收當倍登鍾飲可徧雞狗我自靡廩粟豈
敢問升斗所憐廣斥區無飢祝八口麥秋纔半熟何以
養童叟

甲子河成自甲子橋放舟有述五首

裨海昔環郭巖城今隱山潮全歸巨壑水不到重關度
土千方外醜渠兩月間添波逢暑雨船已集橋灣

既竭丁男力當書甲子年天時如有會人事豈徒然卒
鮮泥塗病工竣水潦前陰晴常暗數宜役亦宜田

更喜闢幽宮鼉梁橫在中小橋當改作大石不須攻壁
立垂虹度波平畫鷁通老無題柱筆脚紀歲時同

報道新橋漲前宵長半篙人皆來繫纜我亦試乘舸山
引三壺近風催五兩高渚涯見明瑟笑指是江皋

江左今都會魚鹽因此州新開石室秘敢避澤門謳陂

復傳黃鵠父老云播有河機忘媿白鷗鼓橈向溝洫提關視西疇

響水口回船

昨宵放出龍溝口雨後飛流挾舟走今朝欲逐迴波迴
尺寸爭前忽已後南風日暮送潮來漫漫蕩蕩勢非陡
小溪大渚已反行不敢奔騰藏澤藪潮來靜如王者師
銜枚所至倒戈負又如鈞天奏咸池滿谷滿坑失瓦缶
潮上百川皆會同潮平兩岸餘培塿舟人乘月便乘潮
逆水翻搖順水橈不見來時澎湃處但聞夜語風帆高
送石室諸生省試

蓬萊瀛洲海中央環我石室生輝光石室諸生來濟濟
揚鬢振羽高騰翔州距行省九百里渡河沿淮沂江水
往還跋涉費不訾况為瘠壤孤寒士江南解額百有十
上下兩江萬人集州入至者十一二衆寡相懸豈易捷
新科甲子歲之元吾州抑鬱今當宜春渠五旬東到郭
夏潮一日三平田黌舍初開便欲滿棘闈雖遠皆爭先
挾策直起鍵關叟勸駕聊助辦裝錢有如作室兼導水
衆志既定攻且堅或將文教功歸我我本俗吏何能然
鵬搏羊角奮水擊我為培風負其翼鯉登龍門逐雲起
我為驅雷燒其尾

消暑八詠

竹簾

湘紋七尺懸香篆一痕永庭樾淡炎曦院花移月影何處問林於小坐事幽屏

蒲扇

好風不受招明月遲未上何以散煩襟齊紈非所尚清颿與汝宜帆席度江漲

茗椀

沉李浮甘瓜豪門暑不渴我惟啜苦茗習習兩腋活可憐觸熱人望梅蘓道暘

桃笙

含風碧瑠璃倦則枕書卧夢斷南柯遊覺向北窓坐秋
侵短榻生竹間疎雨過

蠅拂

數點變白黑羣飛擾眠食附驥爾無能揮塵吾何惜安
敢恣清談致令歌止棘

蚊幃

狂者轟如雷黠者陰以刺懸帳以為防涼風佐清寐枕
衾毋少疎帳外方鼓翅

皂豆

治身何太嬾汗膩乃一浴去垢丸澡豆出杆還盥沃振
衣恰當軒前山雨新沐

艾繩

胸臆生於庭艾納奪其氣束縕難枯莖舉足免重脰午
旗猶在門索綯時已至

望伊廬山

濯濯遠山出童童孤巒影雖無草木姿積鐵望深靜氣
脉若融結緬古思健挺鍾離楚名將失勢不得逞公亦
隨手亡當局反不省溫溫糜將軍文武具忠鯁賓姻掩
其賢大義乃素秉斯人已縣邈斯山自清迥疑有隱君

子秋水橫煙艇

武障河觀漲

黃河飛流勢如馬南北六塘急奔瀉兩甄旗鼓足相當
法宜開辟更清野陶莊潰決懸未塞青伊碩項湖口哆
武障一河作關隘分趨合沓爭東下恍如洪爐巨鼎沸
黃金白銀盡融冶黃者為金白者銀清濁雖同無混假
獨憐泛溢及田疇深恐浸淫損禾把自笑滿篝祝豚蹄
差幸堆鹽富魚鮓至竟民力寧紆徐水勢上陳筆親寫
次韻送浣雲入都補官三首

鸞鵠何曾戀宿糧

浣雲前為令穀十日即引疾歸

秋宵健翮稱高翔郵

亭遇雨重題舫山館招雲欲入房晨夕素心情倍篤海
天落水氣先涼知君雅善成連調肯為臨岐鼓一行
東觀南宮舊著名重瞻

禁省有餘情貲郎不礙張廷尉酒客原非阮步兵十載
粗官還累我五曹雅望斷歸卿可憐石室逢坡老題徧
秦東闕下城

飛去蒼梧欲化煙為摻蝨簡近千年洞修州志故云齊詩不敢

援匡鼎范史多因注李賢沿章多於後漢書注得之綠野舊集詩錄

古黃兒阡畔澗花鮮卷中甲子河圖在指點舊集詩錄

邊

陶山舊集詩錄

陶山詩錄卷九

善化

胸海三集

初度日行鄉作

中年歲月苦因循父母斯民媿此身不敢稱觴作生日

何妨掩鼻視陳人

時有相
驗故云

嬉遊市井原多壽醞釀胸懷

合貯春莫歎辛勤向阡陌由來骨相是勞薪

今歲秋成往歲稀家家高廩護柴扉社祠擊鼓兒童舞

隴首棲糧鳥雀肥正喜納禾風獵獵還宜種麥雨霏霏

去年此日秋零急時序推遷又授衣

柴市

水市橋頭日正斜
薰葭影裏見漁家
小陽天氣行人暖
錯認蘆花作柳花

祠竈日舟中作

家人有嚴君善惡必奏錄
天高聽以卑準之為禍福
下民畏無隱膠牙乃私祝
我則導之言敢云行盡淑
既當伺幽微豈弗叙勞碌
宜言下土臣賦性少回曲
半生嘗苦辛伏臘無休沐
比戶方祭陞行蛙獨水宿
誓尤國多端跋涉或可贖
頭令長踞觚何妨飯脫粟
勞佚得均施富貴非所欲
陳詞我無媚司命爾其告

高郵舟中除夕二首

風利不甯行船家作

去聲

除夕檣竿懸燈火鷁首插松栢

婦子羅酒漿耦伍布筵席我乃召長年促以赴郵驛臘
月東南風機棹殊可惜長年啞然笑歲月駒過隙官以
官為家儂以船為宅好風尚可逢殘年豈輕擲矧茲十
幅蒲非如千里翮泝淮三日程遵海重雲隔縱抵郁州
山亦非瀟湘澤官嘗官黃浦儂猶記疇昔星霜曾幾何
鬢鬢已全白未解所營營毋乃徒役役舟中無長官酣
歌容岸幘官當快舉觥與儂共一適

憶昔孝廉船良友同度歲今謁大府還相對惟僕隸睹

彼駕船人動我歸家計慈兄幸相依謂爾當小悵有弟
隔衡雲雁字或遠滯操家憐羸妻愛女違快壻大兒守
青氊湖相望迢遞諸兒方向學簿領荒課藝衰年喜抱
孫醉盤無手綴前二日為翰孫周晬空懸煖熟歡總為簪組繫古
賢國忘家文武各名世蓮燭送子瞻雪夜擒元濟而我
實癡獃少壯已不逮空驚節物移年華逐波逝

元旦發高郵簡寶應萬廬山明府二首 乙丑

寒雲開甍社旭日照壺山好趁江帆便相隨海鶴還舟
中新舊歲湖外短長灣卹市聞鼙鼓嬉游意自閒
鬢霜添幾許肺病又經年歲月殘杯酒功名上水船促

程雙堦問鼓浪一鷗先雅欲超齋閣知君化鵲仙

山間廉赴

紀春夢

立春始渡河夜宿沐水濱五更方欲起三夢信有因初夢著軟履左乃鳳無新自云鞋者偕偕隱同鹿門忽夢

亡友

魏謂魏霞城標

詩寫板扉勻題筆面牆立朗誦陶潛文

聽似桃源記落英數續紛又誦歸去來全篇細吟呻誦至感吾生行休動悲辛我亦噉然哭嗚咽意難申魏子昔未死預夢為鬼魂既死復夢我相屬何殷勤哭覺旋入夢被客易冠巾冠簪無殊階粵胡短且婪科頭觀雜

劇提攜子若孫叅軍兩農夫荷鋤媚生春突傳迎貴官
歌吹逼我陳三夢同一解何妨異悲欣多謝春夢廛指
點夏畦人披衣出登車東風拂行塵

立春日渡黃作

青旂飛舞條風前行人獨渡黃河船黃河雖是落槽水
猶與淮泗爭騰騫去年河漲淮水落漕艘兩月無能牽
宵旰憂勞官吏恐排黃灌清清黃連咸言

懷柔感翕河通漕受兌經新年都水使者籌善後淮堰
加築功當先攄猷建議久未決祇今漕運猶逆遭或信
蓄淮淮易泛雲梯壅闕無由宣欲改河行出灌口其害

豈僅傷民田樂黃東清有成法胡弗循舊求安全節帥
今為武功高碩畫好繼文襄賢我非賈讓上三策徒誦
元虛賦一篇從者蹇驢嘶半路與夫羶笠頽雙肩但顧
海濱春麥熟五風十雨容華顛

送陳簡亭制府

大文

入為大司寇

帝謂江南政因循少治功建賢三省督問俗百城雄條
教聲先肅芑苴路不通贛君裁墨綬廣漢削書甯吏踏
春冰上人趨夏日中間羅窺冷面慈佛仰淵衷衆口憤
孤介

皇心眷至忠崇陰留召伯棘木命蘇公宇內嘉師福

朝端宿望崇單車催載道末秋感承風寒步憐塵騎焦

音識爨桐為誰彈古調從此羨冥鴻

公每謂余古調獨彈

即事二首

牆頭小杏冷如梅頗怨遲遲春未來曉日半窗紅照眼
東風一夜已吹開

楊柳青青又一年杏花桃藥鬥嬋娟却憐老柏蒼如許
也借春風著色鮮

閏六月朔雲臺禱雨二首

野宿不能寐披衣行入山四圍青電掣一徑綠蘿攀向
曉霧迷目衝風寒到顏郊原苦焦灼喜聽澗潺湲

東海蛟龍窟南方草木香名山自靈異神物豈潛藏下
土丹誠滙高居絳節揚階前俯衆壑雲擁樹千章

被檄往鹽城撫卹水灾次韻陸春甫明府六首

聞道洪濤百里驚射陽湖與衆川平人家在水中央住
野艇乘岡頂上行灑澹飛章勞大府顛連請命賴專城
劉公一紙書勤重力疾愁余太瘦生

並海遙通鹹瀉地震鄰更訝水雲鄉急趨期會當馳傳
豈果痼瘵善株荒閔雨郊原秋漠漠挈舟浦溆曉蒼蒼
河魚乍起還增劇攜得芎藭麥麴香

孤邨懸釜見晨炊引手東流欲障之大禹至今留鐵柱

長淮何事走巫支門迎老嫗無塗血星近南河有積屍
漫倚疎庸宣渥澤閭閻疾苦費周咨

梁稻難謀雁不如淒涼婦孺繞墻隅渚涯何處辨牛馬
榆柳無煙棲鷺鳬軫念輒飢原急務多方疏濬是良圖
國家豈惜金錢費卒歲那堪庚癸呼

亭戶耕忙隔一隄分持提閘理難齊竈煙沈海潮先上

湖浪鯨天日正西

潮已浸竈民始決堤使者必欲築之適湖水大漲民乃譁然

攘袂

督郵寧達變傳鞭長吏倍含悽范公本為田廬護愁對
波臣面色鰲

振觸長歌續短歌空隨漁釣泛滄波信臣果盡循行未

長孺其如善病何羞逐羣材爭得失迴思少壯惜蹉跎
勸君更擴仁民術州縣官卑利濟多

清江遇劉松嵐觀察大觀即以贈別

覲面自今日論交已十年重雲通筆札一揖問詩篇興
欲傾家釀官如種石田天涯幾同歲獨我鬢蒼然予與君同

癸酉生因言法時帆謝薊泉楊蓉裳孫淵如李松雲皆同歲生也

漂母祠

淮陰一生誤在報謂我報人人報我解衣推食當酬恩
烏盡方藏竟罹禍王孫一飯母先哀望報分明指禍胎
可憐缺望夷鐘室何似全身返釣臺張韓以外功皆狗

張也辟穀韓授首奇才感動兩神人一黃石公一漂母

鏌兒作瀟湘聽雨圖寄其兄鑑請題其端二首

寄鑑

弟書引坡公寒燈夜雨之句故有是圖

老屋傷湘水瀟瀟曾飽聽繫官春草綠傳子夜鐙青琴
韻通鴻雁詩情寄鵲鴒為渠聊著墨振觸舊煙汀
句憶短檠對圖披秋水深乳懷自天性式好即親心豈
以關河隔而忘風雨吟二蘇才莫逮此意好追尋

五十三初度禱雨龍洞

生來骨相宜山水生朝謝客避城市問俗常親白版扉
放衙敢卧黃紬被是時秋杪近重陽夜無風雨朝無霜

驅牛徧野未種麥屏騶出郭先焚香焚香不為我躬祝
作官最怕民生感民能果腹登千箱官已綏眉受百祿
孔望山前有龍洞洞中水涵寒煙凍飛鳥猶衝落木風
歸雲自逐游仙夢洞額舊題歸雲飛鳥百年過半何所求十日不
雨心繁憂喚起龍公便鼓鬣勝如海屋來添籌

九龍澗

龍靈在行雨不雨安貴龍得一或淵躍用九當雲從由
來衆壑水匯作羣龍宮斷澗卧鼉梁絕壁蟠虬松如何
山滌滌不見波溶溶乾翠掃銀杏落葉飛丹楓時方度
重九何以慰三農毋乃亢有悔詎竟潛勿庸我懷閔雨

志願藉蘇枯功竚看階尺木便欲投孤筇

小舟即事

淮水一瓜皮三更月上時忽逢人見奪自笑客何之極
溺空懷抱從公老鬢絲霜蓬眠未穩苦憶釣竿持

引鏡

聞人道衰老引鏡自驚疑邱壑竟如面星霜都上眉迴
頭憐馬齒反背笑雞皮來日更何似功名事可知

十一月十八日

老樹無春枝長飈撓不止枯荻有燒心寒暉照不起君
子終身憂只此一日耳如何事驅馳不獲莫筵几匪惟

缺莫馱鞅掌忘之矣三釜不及養五鼎空陳祀矧以勞
忘憂希榮而得恥放舟入波濤行殆悲遺體

雜詩四首

客從嶧陽來遺我鳳尾琴授我高山操滌我流水音一
奏箏琶寂對鼓鸞鶴吟自從客行遠挂壁生蠨蟬古調
不獨彈誰能知此心客去何時還餘韻猶惜惜

揖客四達衢失我瓊琚佩登船且挂帆既失復何悔試
令轉尋覓情同簪履愛得之兒童手珠還喜且慨刻舟
笑冥索墮甌絕迴睽有美當自珍不求誰與賚

對奕輒先敗好勝角庸猥對酒輒先醉痛飲冀醒解庸

猥亦漸勑醒醉或幾殆母友不如已過則勿憚改
客有相馬者所得誇馱馱不惜千石粟但養千里蹄歷
塊不稱意要駕何足詆豈知逸而蹶將伯聞哀嘶何如
擇安閑致遠理亦齊塞淵思無邪此道無終迷

即事

客從桂林來遺我黃藤箸良金蘊其質精鏐飾其注云
當食有蠶可以飽而飫又云蠻煙中蚺蛇大如樹投之
則首靡佩之則瘴除我云大江南驅放出沮洳聲華盛
賓筵饗餐無他慮豈知穀之飛先腐實生蠹心思象可
吞影入杯難吐蠱毒與蛇孽其來不知處感君借前籌

何須笑槃瓠

鹽漬水

鹽漬水注川谿鹽漬人家爭築隄水日長隄日低大隄
為藩小隄棲十家相比百家齊敢有窺隄者終夜敲鉦
輦東隣有沉民數十為羣雜旄倪拏舟嚮隄傍隄宿隄
中大猾紛糾稽跽其少壯且綈之老幼婦女喧號號夫
方顧其妻母方乳其兒盡投之水以滅口三十六命如
犬雞更有甚於此覆之以舟燔以燹舟底逸出蓬頭婦
橫楔隄口加畚泥其他累累葬魚腹波聲處處聞悲悽
是時官奉

詔振卹徧烝黎及其發覺時猶與寬假稱排擠豈知沈
寃不可赦輸情定讞屠鯨鯢射陽北范隄西

國家金錢不惜二十餘萬兩大吏施糜佐羹藜如何死
於殘殺死於法雖有萬手無由提

袁浦水

袁浦水夜半來人家爭起登樓臺樓上水深二三尺人
猶守護樓下財樓下財不可保樓上死不敢開水高及
簷樓已摧是時障河修五閘大舸小艇淮之隈齊呼叩
須無一至嚴寒助虐冰崔嵬大官騎馬出小吏乘桴回
急散金錢與糗糒便死不顧蒙解推百年弩賄悉蕩析

縱活數目終沈薶民哭官亦哭朔風為之哀陽侯不肯
退濁浪增喧飀桔槔三百不能減尺寸人力難展真天
災

聖主籌河有先識藉黃濟運為禍胎都水使者方寫駕
親見漂沒多遺骸水衡廩百萬薦剝登羣才如何蟻穴
一潰成巨浸坐令廛邑生蒿萊

署中吳子野張舉羽以快雪歌聯句用歐陽禁體
韻見寄次韻畲之

江路野梅初綻萼寒門風日互迴薄溝瀆一夜膠行舟
雪勢欲作不能作關心遙繫海邦窮開戶仰窺天宇廓

若令廣斥猶愆陽如以此心付焦爍失喜新詩傳吉語
首言未雪雨先落沾濡已足滋根荻凜烈真能奪狐貉
瓦埽鴛鴦漸堆積庭塑狻猊似蜂攫桑田千尺埋遺蝗
蔀屋萬家喧凍雀聯吟頗憶客乘槎執訊倍憐奴躡屨
于役幾同鴻雁嗷歲暮難云蟋蟀樂水衡不惜頒金錢
澤國誰能奏疏瀚且喜三白饒吾州默為羣黎謝冥漠
側聞符離擊鵝鴨未免荏苒勞劍槊書生寸鐵不須持
莫便銷金快嗷嗷

立春日鹽城登舟王筠屋明經以詩卷見寄

晴雪初開射瀆煙行人恰上櫂頭船澤中鴻羽知寒退

江上梅花有信傳
宦况真如殘臘後
歸蹤還讓早春先
拳拳獨有東皐子
急遣長鬚寄一編

祝雞篇

東家祝雞翁養雞日蕃孳愛雞慮雞飢
不惜米粟飼專愚付粗婢謂可無欺
偽頃之雞竟飢婢無竊粟事或為蛇鼠
耗或供烏雀餌隣人偶為言不信繼以
詈呼雞試投粟羣雞爭且異久飢餓難
飽傾甕至數四主人無如何慨歎輸所
積不與粗婢誅反向隣人懟

牧羊篇

有羊三百羣爰擇牧人牧時其飽與飢
付之芻及粟豈

惟閑降飲亦復馴。弢觸爾羊生日滋。爾牧功可錄。他牧或惰。廢其羊。苦蠱疾。謂爾置爾羊。姑往監其畜。鞭後爾無權亡岐。爾當扑歸而視爾羊。麾肱費追逐。臧獲同見譏。五穀竟誰贖。不考牧辛勤。安望羊蕃育。

督賑事竣回州

喜說三冬雪兆祥。同雲今又護歸裝。邦人頗怪回車緩。田父都緣種麥忙。苦逐簡書消歲月。便將州郡當家鄉。黃童白叟迎門笑。笑我新添兩鬢霜。

送竈二首

設醴蔬果潔盤盂。稽首陳辭敢獻諛。終歲何曾黔墨突。

此身只合踞聃皦嚴君共仰生同井老婦相隨酌以壺
見說朝天催上道餞筵兼備馬青芻

下臣難達衍波箋憑仗封章奏九天敢道從新當坐上
斷無煬竈尚遮前不甘舊爨因人熱但願新炊被野煙
耳聽歸來好消息粃盆一醉樂迎年

種樹篇

種樹欲成陰種草欲盈砌成陰難待松與栢盈砌不求
蘭與蕙松栢累砌多節目蘭蕙幽芳在空谷惟有樗柳
及蕭艾用力既省成功速樗柳豈無材蕭艾亦有葉公
輸與靈均棄置目不涉天生此物何太多人實種之將

奈何

杯棹舞

棹徑尺六滑如鏡光如燭承之以箸旋轉速在右復在
左拋空何帖妥忽將雙箸並擊棹其聲鏗然棹不墮故
作側勢為風擺荷故作落勢為魚擲梭觀者正襟危坐
倏睥眄而驚訶主人性不耽管絃愛此妙技如僚丸誇
客重開宴鼓勇亦奇變大棹長竿若建輪注吻點額無
側弁自頂至踵背及胸投之所向罔弗便坐客歎觀止
作者殊未已欲以險見奇手舞還足抵跌宕置鞞尖捶
竿棹自起欲承未承瞬息間墜地噤然棹碎矣滿座失

色主人笑一碎正堪垂世教

正月五日大伊道中遇雪二首

丙寅

牧人夜夢魚游沼騶子朝驅馬度橋乍覺嶺頭雲欲墮
便看衣上雪初飄茆檐靜閉宜春帖麥隴深培出土苗
行傍山溪溪畔柳凍煙深處已封條

河流尚合隔年冰野老還誇卜歲登春到更添冬霰霰
陸行偏較水凌兢長隄帽影齊披絮短釣溪聲或躍罾
鴉噪暮林天未暝邨童早試上元燈

陶山詩錄卷九

陶山詩錄卷十

善化 唐仲冕 六枳

崇川集

之通州留別東海四首

丙寅

荒城彈指五年留，只合歸休未得休。
已分擲榆羅友郡，非關夢寐子春州。
長途上阪原驚馬，到處營巢總拙鳩。
人道遷喬今出谷，可能淳朴似都洲。

乘槎兀坐擁香芸，秦關參差對夕曛。
得便舟車兼訪古，無多簿領輒論文。
羣羊欲乳眠春草，一鶴常飢唳曉雲。
頗恠年來頻被檄，朝朝舍已為人耘。

頻行喜事上眉端
校士新成試院寬
苦為諸生陳跋涉
却教節使就孤寒
君看文士皆貧士
我以民官作教官
字化翼飛今日事
天池仰看大鵬搏

數月當來奈別何
壺漿百里惜奔波
肩輿不進行將滿
唇吻頻霑醉已酡
自是敷龐安政拙
慙無報贈祝時和
左司有替休惆悵
新尹廉明惠政多

閨中月二首

霞擁冰輪挂柳枝
鉤簾猶恨到來遲
樓前墮影花先受
窻隙窺奩鏡獨知
閒弄雲和同入抱
細勻螺黛更添眉
嫦娥本是芳閨伴
不怕圓時有缺時

苑檐低護靜無尤人月相望影不雙無限風光歸畫閣
半生心事付蘭缸幽棲鵲莫尋枝繞清怨鐘偏入夜撞
壑線倦宜親斗帳蟾輝剛到屋西窓

背癢

杜詩韓筆久不讀又無材技喜馳逐對客偏疑捫蝨談
每思義甲不如肉平生最恨仙狡獪分明露爪長且曲
恰遇相湏合相濟反曰鞭之意何酷

肺病

童時有嗽上氣疾弱冠廢書脫然失行年始衰忽復嬰
胸中有物吐難出夜枕時作水雞聲朝嘶如乘老馬驛

刀圭不若黃庭經可憐杜老想朝日

餘西舟行四首

朱墨紛難理青黃近欲交春殘農在野風暖吏行郊柳
浪添魚汕花泥遲燕巢游人遺白舸驟雨到船梢
每行溪水曲輒繞市橋回草與岸俱合帆因風乍開溝
塍無路入餅餌有香來見說流庸定邨邨樂解推

隔林傳野柝繫纜傍漁津雨滴孤邨夜波涵小艇春能
勞知病減偶靜覺書親獨坐殘燈爇還憐露宿人

樹擁街彈室披衣趁曉禽衝泥青草軟聽訟綠陰深鷹
化慙嘉石鵲懸感布金

是日於祇園賑貧民

田夫頻送喜早晚看

秧鍼

麥蠶歌

今年頗喜炎夏早田家競說麥秋好
向人堆盤獻新麥搓來如蠶青絲繞
蠕娟真疑繭未成細膩能知蠟將老
已堪釘餽為粉餐尚有生香含秀草
可憐荒獨搜根荻雜以糠覈鮮一飽
天公分外貽來牟眼底口邊得餅麩
準備畦稜觀銍艾但祝暄和無水潦
因之便拜馬頭娘新絲為改衣了鳥

邀同張涵齋院長

肅

馬倬亭舍人

有章

宋小城廣

文

保

邵无咎孝廉

驥

孫嘯壑山人

滙

張子效坤

暨張息齋甥

先朝

艾齋弟

佳駒

兒子輩游狼山

五星環會奎木狼四星排列森相望劍頭出火馬入水
金氣成軍土以黃一木撐天障南紀狀如跋胡橐尾袞
繡裳平安日報烽煙靖鎮撫時凜威孤張文吏但祝麥
幪幪山英頡掃雨浪浪露冕巡郊躡板麓盍簪聯騎攜
兒郎憑凌絕頂江繚繞指點隔岸山蒼茫樓臺官闕不
可見但見黃雲徧野畦塍方罫無低昂太虛發鐘磬雜
坐開壺觴成連一操鼓滄海似聞潮音縹緲生宮商曠
懷既逐煙鶴遠幽意忽與冰絃長陰崖劃石懸欲落晴
晝滴溜曠猶涼帽簷輒拂動巖蘚屐齒幾折橫空梁此

曰此游亦奇絕虎豹帖伏蛟龍藏可憐垂白事塵鞅豈
知小聚占星芒昔賢姓名有題勒我輩登眺非尋常峭
壁千尋濶如榜便當濡染大筆揮灑斗牛旁

張涵齋侍讀見和遊狼山詩疊韻奉贈

園內獅子園外狼螭砌珥筆鵷鷺望歸來坐擁皋比席
絕勝熊轡鹿轂懷銀黃十年官不駕五馬勸民買犢寨
帷裳獼猴騎牛並海澨波平無事防鷁張東布洲接鷹
游疆恍惚元菟通樂浪第一山高白狼舞樓船舊擢黃
頭郎水犀鳴甲追餘皇祖龍鞭石淬步光鎮遏王郅彭
彥章腥風鼓浪雲冥茫鯨呿鼉擲滿川谷那見黍熟頭

陸山部錄卷一
低麥頭昂山靈雄鎮夔罔兩奮如捧劍飛羽觴文安劇
盜恣獫狁到此翦除行金商島夷壑境沙蟲擾春喉似
斷僑如長

聖朝懷柔邁扶桑惟見日出暘谷初蒼涼至於觚竹北
戶西王母莫不航浮索引俯首帖耳無跳梁祗今潢池
竄蛇虺齊斧立搜魍魎藏虎符繡衣懸牙璋盡令橫目
歸諄芒我求芻牧蕃牛羊行逢草木皆雒常登高作賦
誰最健老羆當道孰敢經其旁

過軍山作

倚天長劍勢橫分馬首單椒埽夕氛一面獨當開半壁

蒼頭特起張吾軍犀鳴越甲曾鑿水象阻秦鞭尚卧雲

山有象
與巖

遺壘銷殘成綠野歸樵隊裏課耕耘

病巡海口三首

江船出淺溪海壘延遐眺步循范公隄入拜海神廟灘
形極縣亘天意絕攘剽地險不可狃巡戍乃為要

詔方誅海盜先斷米及水此州鮮秔稻令甲有綱紀我
無飲飛才職當察姦宄躬親詎無虞猶勝不親理

呂公四弭駕仙跡不可求但見物浩穰能令病小瘳或
言魚汎減又為漁人愁終憐倦飛鶴空羨忘機鷗

餘西六甲壩

綠樹夾青溪，維舟入林薄。頗疑判牘勞，翻類尋芳樂。秧
纔五寸長，麥已八九穫。一水爭溝防，十年鬥鼠雀。新塍
固宜周，古堦焉可鑿。因嚴泛舟禁，不廢溉田約。鳴鵲復
長堤，游魚通短竹。村氓憐我病，一一遵指度。野鰕看雉
馴，亭食任鳥攫。

雨後行鄉

正思出郭趁晴煙，因事行鄉看水田。澤草已酣芒種雨，
溪雲猶簇熟梅天。屏騶小徑驅秧馬，遲渡新流借釣舩。
曬麥未乾先問糶，長官催納夏租錢。

遊仙詞四首

舊例通明侍列仙風流小謫出齊煙那知海嶽堪遊戲
召入重霄是左遷

元霜絳雪味深寒縱有流霞莫飽餐不食人間煙火食
也須芝草碧琅玕

金鑄玉佩上元書未許龍威識太初倒薤垂珠猶俗筆
更從何處問蟲魚

蟾宮斫桂為清光終古何曾見斧創三萬六千修月戶
運斤安用老吳剛

赴淮舟行三首

雉入雉皋水人來人字河如聞兩黃鵠不見一青螺舟

與魚爭路風兼雨作波長淮終到海橫潰意如何
韓江新漲落奔浪盡東傾召伯幾無埭淮南不可行橫
風吹甓社斜日過盂城昨夜維舟處荒荒吠蛤聲
淮陰垂釣處又沒舊波痕六月寒生水單衫夜不溫人
家多蔽席堤土半填門忽報河平牖褰茭徹夜喧

奉檄至海州二首

竹馬經春別沙鷗遍地浮頗疑東海窄不納大河流
追捕無方略顛連有隱憂伊盧舊相識山色遠迎眸
板浦鹽官聚都洲澤國通竈文鼃黽畔人在蟻螻中積
潦生煙白晴雲帶月紅眼前皆墊隘不與別時同

次韻蟻蝶

瀰漫幾滿地渺小亦能蟲本自浮漚出還將聚蝻同氣
原滋糞瀆形漸混煙叢細以塵埃計輕如鼓舞工疑乘
三里霧欲塞大千空踊躍闐街急盤旋關戶雄營鑽微
有力披拂總無功最密墻之北稍停日始東昨緣堤潰
蟻徧見澤驚鴻婦孺成團處魚蝦吐沫中穀沈飛蠱黑
露宿撲蟲紅草舍漂殘鼠蘆汀失阜螽池深惟見鼃塞
薄合稱蝻蚱蟊爭為屋蜻蜓共入籠情殊兒子漾數比
黍民窮輸爾生於水因時起向風陣橫羣物冒行斷一
痕通入甕嗤雞處為羞任鳥充跡偏沾竹笠影或隔珠

藥過眼容光外晴霞倩筆烘

次韻門人許石華

喬林

校刊海州志成三十六韻

一手難成書蒐討衷先正武功與靈壽簡嚴今莫並嗟
余不自量餘梯輒思擴荆溪吳江吳發端無究竟規模
方草創議論已紛競此州最淳古百年缺志乘絃改轍
屢更領挈裘當振疎濶愁瀟拾零摺愛盤飮舊冊或新
鈔徧觀復兼聽治罷官文書窺牖月光映僚友盛文儒
述作乘氣運今日倘蹉跎後日誰裁定諸賢語彌篤千
古心相印士樸多遺聞時和無劇政因之任編纂所賴
羣考鏡亡友魏文學

標

事類長頭問同年汪郎曹

梅鼎

初稿乃發軔地理稽周秦職方訂藪鎮東海原分胸北

魏始置郡詠古既斟酌取材必雅令庠師翁祭酒

咸封

學與行俱峻得間見史裁闡微本經訓喬生守師傳

紹

傳

記載無阿徇沈生老明經

祥恩

文獻掇殘賸贛榆與

厚邱量屬書當併疏山理宮霍脈水察濟汶條若網在

網從如驂之靳懷仁周通守

萃元

甄輯至衰病懷文呂

觀察

昌際

能為月旦評結體標力州逢辰紀嘉慶吳子

檀圖繪雲霞與筆迎懿我平輿淵蘊藉春容應實事求

其是虛詞徵以信適余偶移官帆席翦江進微君日擘

窮於義豈詳盡攘善吾何安作詩為左證

胸山書院餞別書院在八蜡廟左

餞席南樓迥披襟北牖
虛香留田祖火幡勸學
僮書過雨山光淺迎秋
樹影踈胸陽難忘處石
室可容車

又赴鹽阜檢災

詰盜事初了拊災事已
陳又經重繭路相對子
遺民龕火宵投寺檣烏
曉問津徘徊秋水濶不
敢怨勞薪

阜寧舟中

三板輕舟覓水涯舊痕
新漲認蘆葭我行近似
嗷嗷雁人語低於閣閣
蛙役久已驚金井葉信
來先課木棉花但期所
治成豐稔戴月披星敢
問家

建陽夜泊

洪濤如海勢小艇雜鷗羣不識水窮處但看天入雲投
邨無岸機帖浪有橋分祗賸頽垣在呼號亦未聞

漁舟鶴

負爾凌霄姿合任逍遙游胡為逐漁子飲啄不自由謂
爾性嗜魚鉤沈致鱸鰕謂爾能媒鳥穴板招鳬鷗魚鳥
各天性與爾何怨仇爾力亦已竭爾勞誰與酬可憐謀
食為人役曷弗振翮尋丹邱

袁浦有述廿四韻

地廁楚州郭官同漢郡朝三江開節府二瀆擁雲輶轉

言金身一
漕年年急書問戶戶凋春流泥奔運伏汎漲吞潮河伯
方憑怒吏祁益肆驕十城歸釜底萬頃沒禾苗秉憲飛
章達

施仁發帑餽台臣推少宰星使率羣僚忽報雲潭決時
當雪霰飄浸簷樓盡側撤蓋馬先跳去歲危如此今茲
計更遙海能遷北壑淮自暢南條財賦資鹽筴丁夫盡
牧樵澗通波不下堤壅浪全漂橫潰誇成竹奔騰類沃
焦湖兼漣水瀝山騰鬱林椒似得歸墟路曾無濟渡橋
告成誰似禹

灑翰已承

堯設貳康圭錫

是年新設副總河

掄材薦剡招或緣謀輻湊竟

使害潛消獨惜閭閻困仍煩粥餌調莫安勞四載優渥

仰

三霄駕馬猶乘阪哀鴻復泛橈監門頻上繪秋影翳蕭

蕭

過狼山駱丞賓王墓

此才不流落義旗當一振豈因宰相用便作則天臣傳
檄存唐室吟詩壯海濱莫疑埋骨處下馬薦江蘋

舟中夜彈琴

判牒少閑緣攜琴暝上船檣風繙讀譜窓月照和絃蟲

思秋聲入漁歌歎乃傳勞人無逸響翻恐破鷗眠

舟赴鹽城三首

朝衙不放夜投籤草草登舟使事嚴預備袂棉搜舊篋
為裝筆硯製新匳吏催畫諾文書疊客指鳴榔驛路兼
偶藉絲桐寫秋思莫將勞碌認安恬

挂席流庸已繞船漂禾沈竈數三年攜來家具難求米
賣盡耕牛不值錢立發橋邊風送雨大蹤湖畔水連天
涕洟苦勸歸鄉里我是遄行播粥饘

三日川塗五日停前村尚指白駒亭荒雲雁落乘潮雨
野水魚跳照濕星味食場同棧馬年華過隙感流螢

蓬蓬颯颯秋聲急肺病何堪倚枕聽

贈朱南台明府

樹基

鹽城卹灾用辟聞韻

大府深憂拯赤子同舟新喜結良朋
愛君攜印來乘筏與我披星但飲冰
入繆魚鰕充亥市傷蘆蚊蠓撲秋燈
掠荒自古無奇策祗問丹誠竭未曾

阜寧遇雨二首

行傍范公隄波橫路欲迷秋風半夜雨
曉角一聲雞敗葦粘天遠危橋帖水低
舩高知浪長近與破檐齊一望炊煙斷
朝餐不忍加秋雲偏作雨衰鬢又添華
暫犧舩為屋如樓雁在沙裝棉覺衣冷
無褐更堪嗟

中秋舟中對月贈沈江園文學

序

秋水橫與野煙平秋月影對斜陽生水濶舟行無泊處
月明岸近聞人聲人家幾點若鷗鷺蒼茫莫辨來時路
舟人繫纜做中秋一片清光依獨戍戍樓斜倚蓼花紅
舩在漁莊蟹舍中長天一色月輪皎孤鏡高懸秋顚空
秋空月皎風習習披衣與客舩頭立新瘥鶴骨怯秋冷
小啟蟪蛄窻容月入我撫枯桐君飲酒並舩招月作三友
秋聲為鼓歐陽賦明月須傾太白斗人生美疾間憂虞
天際歸舟隔五湖莫負蟾蜍顧衰鬢尚憐鴻雁號荒蘆
鴻雁難安空執掌蟾蜍何興延幽賞清商入絃酒琰停

月度前灘葭葉響

羊毛河戲題二十韻

萬頃波濤涉江河亦細流況纔通雉水便合作羊溝有
頰非奔馬如毛尚遜牛青羶平可擬丹管直難侔浪縐
紋為髮泥深膩是油惹煙籠蓼葦帶雨聚鰕鱖釣影同
羶行犂音想德輶觸藩原礙網眠草或橫舟有石叱難
起無珠髯莫求斷蓬常渡蟻崩岸不藏鷗一櫂能相虐
多岐未易投蹄涔豪士笑坳汙估人愁豈識支祁走難
將殺癩收蛟蚪衝木客雞犬駭陽侯鞭後看羸角車前
出爛頭何如藏澗壑尚足潤田疇縱欠扶搖樂曾無觝

觸憂頗疑蘇武窖雅稱子陵裘數點斜陽暮纖毫皓月
秋臨波發清興聊作牧童謳

小瘥即事二首

卧治那能師長孺安心無法問維摩求醫舊友刀圭熟
行散虛堂烏雀和僕定琴絃聲五降兒鈔詩草字三訛
閒來展卷猶孱怯叢雜其如簿領何

阪上鹽車疲老驥堂前繡葆報新雛

新舉桂孫

慰吾衰眼蘭

雙茁添得孫枝桂一株

時桂花盛開

邀客喜開湯餅會召兒

先命小名呼祝渠他日求田舍莫學阿屋翁空設弧

送再從兄嵐疇南歸

吾家有老屋以狀名燕窩創於曾大父架木撐雙柯大
父肯堂構聚處山之阿手種千萬樹帶阜纓嵯峨門前
有一桂枝葉橫婆婆娑吾父築書樓羣季相切磋田宅日
增置孝秀連登科繁衍遂分散遊宦或之他兄家獨常
住如燕未離窠憶余就外傳與兄共研摩未冠事羈旅
會少而離多曾於通籍年握手臨江戢鄉關隔綿邈歲
月如擲梭喜報兄見省鬢髮各已皤話舊問生計老屋
今如何兄言百餘年朽蝨無傾頗階前子若孫男女紛
駢羅耕桑各有業歲收三百禾攜壺秋桂陰花落顏已
酡忽懷吳越路便理湖湘舸

見毛

相思既相見輒欲還

煙蘿倚杖夜皤皤不若聽更鴉衣裳新粲粲不若披釣
蓑感兄志田野愧我疲奔波矯勵非自然羸乏已成疴
雖無蘇子田敢忘張老歌寄語與諸昆宦情秋燕過某
樹某邱壑歸訪無蹉跎

送姪常鈞南歸二首

汝父平安報來言置墓田官加千石秩奉之一囊錢栗
子同根老移華與萼連但期敦素業豈羨富南阡

歸去語汝弟

謂鑑兒

校官非長官容還修弟子禮貴慎衣

冠胡絹問偏喜崔銘傳共觀江邊有茆屋為我理漁竿

五十四初度游燒邱

袞袞重陽前一日諄諄八九十來人且從衙退探黃菊
却為秋殘戀白蘋七里塘邊停小艇三生石上認前身
年年風雨尋詩慣好趁煙汀月色新

初度日獲秦玉印

小儒信機祥文字選吉語衰年嬰美疾常恐壽不與役
車聞蟋蟀歲暮不遑處半百未周甲龍鍾七十許吳市
逢初度避人獨訪古獲印為秦玉方寸紐螭虎上有李
斯篆讀之喜欲舞文曰疾疢除如失所患苦又曰永康
休如遊華胥渚文曰曼壽寧如奚斯頌魯賈人恐見疑
鑑之以印譜我眼光如豆安能識羸呂果如印所言勝

繫肘後組

詠硯鏡同錢兒作二首

翡翠書床映綠荷方諸濃浸玉蟾多
自緣奎壁窺青案定有煙雲起碧波
塵空未生先拂拭文昌新入好研磨
菱花尚擅簪花格況賦扶桑鑄鐵磨

懷鉛摘髻記紅塵古鏡蒼茫獨照神
今日忽驚霜滿鬢半生堪笑墨磨人
石田結習仍歸老鑑曲分明為寫真
付與兒曹惟守黑十年一賦苦吟身

咏古

高談竟何補適用乃為優
毛白馬非馬角青牛戴牛好

龍真却駭蒙虎假堪羞禹貢能治水春秋解慮囚噉名
多利齒問事少長頭容樓尊元禮交游廣太邱笙歌彭
不入書劉鄭先投乞火姑知大呼晴婦逐鳩羊蹄蕃卜
式雞肋識楊修是處迴車阪誰言跨鶴州提携邵翁伯
瀟灑醉鄉侯欲避瞿唐險滄浪有釣舟

興鹽舟中

天長不見天邊禽海濶但無海水深說比舊年高數尺
祇今消減猶淵沉舟行渺瀰不知路往往船無下篙處
忽然輻輳如粘泥船梢却挂墳間樹去年淮揚十二城
高堰倒瀉流縱橫今年徐海六州縣河隄奔潰如高堰

朝廷恩波同水波隨水所到

恩湧沱百五十萬不少惜今年水廣

恩尤多可憐赤子皆逃散戶籍門牌了難案惟餘老弱
尪羸人存者無多增浩歎但聞五壩人築荷花塘口
無薪束來源日下下成渚種麥無期雪霜酷都水持節
籌河防王營減壩郭家坊棄淮治河河愈急坐使河淮
兩無益河伯至仁或怒之何不先鎖巫支祁

痰疾除歌次張涵齋侍讀題秦印韻

痰疾除痰疾除疾除身康壽有餘穆公五日卧不寤寤
言謁見上帝於玉京之瑤除觴以天漿授地輿寶夫人

來衣五銖霍然美疾得美石偃佺羨門與為徒後嗣腹
心有二豎臣斯去疾皆史胥乃使徐市韓終求神藥湘
山盡赭無縻枸瀉池置辟得游從黔首刻石燔其居空
作仙真人詩歌弦徧天下輶涼遺臭鮑魚俱中車府今
行符璽卒令係組降軹無人扶受璽即奉璽此物何有
無因思祖龍諱言疾箴砭宜設九賓臚秦醫和緩不可
作痼瘵壽世民所須民所須請看百歲柱史一筆寫出
銅人圖

題王芸室進士

汝霖

采芝圖

時進士辭
官養母

采藥不除侍芝郎煉丹不逐淮南王珥筆合立通明殿

捧甌好獻忘憂堂鶴氅生來有仙骨鷄鉏到處窮靈窟
黃芽一粒開丹霞絳雪五升懸白月九轉功成謁玉清
彤庭屬草新宮銘魚車却付勾漏砂憚帙更啓夷維楹
花嶼春深瓊花纈蘭陔晨饋芳蘭潔閣上新發芸暉叢
囊中舊貯菖蒲節讀書將母謝三銓長生大藥傳喬仝
瑤光挺秀裛文露酈井入醞和廉泉往余亦學山圖道
緣慳未到蓬萊島屈軼惟尋禹餘糧并閭空說平政草
展圖如聞蘇橘香鳶肩火色雲錦裳驂鸞仰羨王子晉
棄鼠自笑唐公房

題明贈宮保馬石渚先生

坤山居圖

有序

倬亭舍人以其六世祖石渚大司農像屬題押角有
啟南石田兩小印而右端題跋有割補跡云此畫為
人竊去幸為同郡明生所得明藏之六十年乃歸倬
亭因舊款改除屬余作詩以識之其畫林巒疎峻寫
顏清挺洵沈石田暮年筆也石渚先生由南戶書為
北戶書以留都裁抑募卒之變牽連去職見明史七
卿表而無傳其事實詳陳少寇堯所撰墓表倬亭並
以南戶書告身見示余牧茲邦樂其鄉先達之賢而
嘉倬亭之善守世澤也於是乎書

高山鉅谷龍虎人深衣坐擁松筠春誰歟畫者石田老

至今紙墨先生新石田晚年始揮灑粗枝大葉披麻皴
尋常富貴難求索為公偉望傳其真前明中葉事姑息
振武激變徒因循平生致鄙桑劉術詎有錙銖同真緡
是時事棘財賦絀西苑坐召勤咨詢三十二議皆大計
齟齬便放林泉身閉門却掃惟挾冊奉詔存問方拖紳
此圖深沉見器量清芬貽燕長嶙峋厥孫南宮今第一
起家中書荷析薪為言手澤當世守况經奕襮眉親
祗緣丹青重沈筆檢搜畫篋疑通神遺像誰識張忠定
流落幸付明山賓什襲重裝蜀錦古還積更比隋珠珍
苦遭滅跡無款識屬余題句為數陳小儒作吏式前躅

展禮但矢嚴恭寅固辭謫陋不獲命敢於泰岱增微塵
三百年來神物護並留簪笏藏絲綸顏君寶似孫彝鼎
鸞傳鵠峙期振振

題高惺泉浮香樓圖二首

有序

樓為惺泉五世祖介石先生居西溪所作查查浦太
史顏卜鄰投詩數首皆清遠有致今樓已荒惺泉作
圖以志之

老梅千樹隔蘆洲洲上寒雲擁一樓梅際客來無徑入
樓頭人坐有香浮過橋小艇知誰是倚竹繁枝尚在不
省識畫圖塵不到由來前輩足風流

畫圖今日青邱逸詩句當年白雪清
零落素心鄰有笛
留貽芳躅屋無楹寧馨追寫高人韻
小隱能消熱客情
何必西溪纔卜築湘江疎影入簷橫

憩馬鞍山之留雲閣

山為狼山
西麓

山霽橫駢駢馬立鞍不寫稅駕知何時
簫雲常在野我
志無千里伏櫪同老馬終年執策臨力竭
汗流赭經山
愛歸雲撥徑入蘭若古槐亘數丈落葉翻
屋瓦小坐烹
石泉塵襟一瀟灑欲隨雲共留鞭絲已在把

眷屬南歸示鋌錢兼寄鑑

塞鴻已翔雲海燕未窺屋春風被晴波吹徧
湘江穀我

生湘水西故宅衡陽麓出山十五年攜家就館粥兒女
各長成食指多婢僕丁添內外孫皆荷

朝廷祿譬如為人傭受直過所服如此不知止何異雞
與鶩況苦病侵尋人事踵相續鏤習帖括文合應鄉舉
錄籤年已及婚了此足娛目老妻亦歸寧相與復邦族
送爾杏鳩鳴遲我莼鱸熟但無囊中金頗累書幾麓歸
語鑑當門擊鮮愛首蒲山廬勝城居臨溪補栽竹來年
事春畬倚杖聽布穀

為徐山民待詔

達源

題侯齋先生

枋

遺像

頃讀居易集愀然如見其為人及接山民書獲覲先生

舊寫真其文婉而厲其兒悴而醇鑿楹猶遺百數言臨
終絕筆何灑然人生不幸遭罹家國變與為其狂寧為
捐較然素志不可期豈以富貴易貧賤多少名流與俊
才

國史修入二臣傳先生名與壘山符先生行比壘山孤
先公止水全其節守身百折終無渝陶彭澤鄭所南逸
民風骨老節庵作詩作書題甲子畫蘭畫芝掃煙嵐百
年遺像衣冠古澗上何人弔金豎山民修墓復修祠魏
我昔年為守土

為荆溪陳

經

題兩髯圖

其一為海
寧陳維

一髯孝廉一布衣兩髯同姓同工詩布衣前應童子試
髯雖欲茁猶豐頤投我行卷兼試牘隱然獨坐蹲孤巖
孝廉初以諸生謁善為漢學通漢碑議論風生著述富
真如檢討多髣髴余時獨對蒼髯叟輒從披覽撚吟髭
余有松下埋髯圖年過半百髮種種宦經五考鬢絲絲胥臺小
住清明雨布衣來訪攜鷓鴣夷見面便使士龍笑添毫合
倩長康癡十數年來若彈指我髭盡白子已鰲歸逢孝
廉好相問可能無改舊鬚眉

禽言四首自題不如歸去圖

不如歸去春深江樹羣飛兮冲天君安能兮爭翥孤岑

短羽讓脩翎莫待驚颺迴列御
不如歸去林煙欲曙百喙兮齊鳴
君有懷兮誰訴任教
啼到染成丹繡戶瑣窓嫌聒絮

不如歸去花飛如霧矰弋兮紛羅
君何為兮猶豫試看
健翮困樊笈空羨卑棲逐鷗鷺

不如歸去故山深處躑躅兮滿林
寒誰留兮遲暮蒼梧
雲擁洞庭波勸君早問湖邊渡

次韻何星田山房雜興八首

脩途峻陬總宜休牽率疑因棧豆
留每憶故山清似夢
况悲衰鬢減於秋書慙撥鐙元和
脚收費巾簪子羽頭

一自瑤華折湘渚五湖煙水感前游

綠杉野屋謝塵喧
閒覓山根問水源
蓮葉開時仍半舫
梅花深處自孤村
輕煙淡雨添魚浪
白石蒼苔印鶴痕
聞說傳經多帶草
諸生齊指鄭公門

傳雲寄我賦山居
似聽桴音隔浦漁
鶴解南飛應有曲
雁從北鄉更無書
論文舊雨春浮蟻
招隱西風夜膾魚
極目夫君倚脩竹
洞庭波起正愁予

傾蓋當年泰岱隈
巖扉日為擘牋開
五松倩客扶雲上
三徑從君帶月來
游草合刊長慶集
歸帆齊檣道鄉臺
重經畫敦前約又
向楓江看野梅

江閣春風上客顏
銜杯敲韻月潺湲
垂虹亭畔東西水
黃鸝樓頭大小山
半夜寺鐘催短襪
十年衙鼓怨當關
選樓近得名章出
漲墨浮煙一例刪

鷗鷺前盟欲重尋
勞勞簿領廢長吟
送人輒遇揶揄態
聽鳥如聞格磔音
便擬回頭登彼岸
何當把臂入深林
故園手種千松樹
料得茅檐已綠陰

官閣荒荒兩部蛙
浮名付與上牆蜗
檢求澤雁年年路
祈禱雲蛻日日齋
家累盡教歸竹屋
宦情終合辦棕鞋
他時返舸輕裝便
祗有殘書揭一牌

頻歲移官江海間
故人休訝報書艱
打包頗似僧敷坐

塵甌難為客買山蕉綠風傳青玉案梅黃雨護白雲關
幽居雅愛清如許息壤相期十畝閒

高郵舟次遇胡香海司馬森示以閩中詩草因題

其卷用韓桂舲司寇嶠韻

龍門竦無枝歸昌發奇響宜與天籟通不受凡耳賞水
鎖巫支祁山踣夔罔兩詩力既縱橫宦態無俯仰遠別
積歲年勝遊懸夢想塵勞迫衰白結習空枝癢君官如
其詩孤秀掃榛莽我詩如其官淵谷墮尋丈今逢閩嶺
輜同鼓篋湖漿豪宕才推鉦中庸道異廣欲下涪翁拜
合付雙荷掌平生一卷詩富貴來亦儻

宿淮陰

秦郵一日水落泥舍舟登路塵滿隄乾風煽日焚岸柳
牙檣如櫛膠迴溪往年盛漲吞百堞今年亢暵憂一犁
金資涵洞作輸灌糧艘坐困紛排擠聞說黃河入洪澤
五牖三壩填成蹊旁潰奔騰失歸路正流牽輓登天梯
如何旱潦盡為患瀦寫豈無法可稽我今之官無定所
一如川谷迷高低漂母祠邊傳旅餉淮陰市上聽晨雞
縱有舟楫利達涉絕潢斷港徒羈棲

袁浦客舍

時檄權徐郡未赴

郡讓彭城重經軫禹貢深王生逢結韞謝客欲抽簪料

減留庵鶴塵封挂壁琴黃昏時獨立叢樹數歸禽

寶應道中

河流生野馬旅客逐晨雞樹影親雙堠湖光隔一堤笠
斜覘日昃蓑重覺雲低聞說農爭溉傾渠入綠畦

壽星橋憩書樓成

平生不讀書見書輒思買日買日積多束版或未解插
架誇白丁攤飯笑黃嬾空令壓牛腰不如一解廌近苦
涉江淮頻年遷渤海重裝恐滋疑長物難撥擺頗欲傳
子孫相視盡童駸前年或胠篋大索等鏐錯舟車亦已
勞塵全宜少罷橋頭有仄廬地僻屋簷矮因之構一樓

梯級便曳躡從橫布有行局鑰窺無夥既已置高閣豈復求甚解但語看樓人隨時勤掃灑

七月五日望焦山追記重午之遊

快游自有福况乃名山川我本塵勞人安得登臨緣焦山昔曾游曠濶三十年移官數來往空喚橫江舩昨飲京口酒恰遇重午天奪標輸水馬鼓柁尋焦先攜拾瘞鶴銘摩挲周鼎鉉是日風正狂奔艇沉山邊立呼撈人救一一獲安全心情既愉暢胷脚如飛仙勃窣藂樹中徙倚層巖巔海潮落襟袖逸興凌雲煙豈知觸辛螫動色亦偶然歸去忽大腫岑岑壓吾顛悔無剛如佩重寶

刀圭錢乃知山英意不納俗士躔小適便小懲况賦治
遊篇重過經兩月曉露聞秋蟬可望不可即何異三神
山

陶山詩錄卷十